

Qodobka 245aad

Rafcaan aan la oggolayn ama aan la wadi karin

Rafcaanka la caddeeyey iruu yahay mid aan la oggolayn ama aan la wadi karin mar labaad lama oogi karo xataa haddii weli ay taagan tahay muddada uu xeerku xaddiday.

MADAXA SADDEXAAD

U CABASHADA MAXKAMADDA SARE

Qodobka 246aad

Xukumada lagu duri karo cabashada iyo asbaabta duridda

Wey bannaan tahay in lagu duro cabashada xukumada ka soo baxa darajada labaad iyo xukumada darajada koowaad oo aan laga qaadan Rafcaanka, asbaabta cabashadu waatan:

- 1.) Wiilaayad ama awood la'aan daraadeed.
- 2.) Khilaafidda Xeerka ama gefidda ku dhaqankiis daraadeed.
- 3.) Burritaanka xukunka ama habka qaadista.
- 4.) Asbaab la'aan ama ku filaan la'aanteeda ku saabsan arrin aad muhim ugu ah. Dacwadda oo soo jeec yeen dhinacyada midkood ama Maxkamadda.

Qodobka 247aad

Gooraha kale oo ay bannaan tahay duridda cabashada ah

Xeerka ayaa xaddidaya gooraha kale oo ay bannaan tahay in lagu duro go'aannada Garsoorka Jidka duridda.

Qodobka 248aad

Cabashada danta xeer ahaaneed

Waa u bannaan tahay Xeer Ilaalinta Guud in ay ku durto xukunka jidka Cabashada danta xeerka daraadeed xataa haddii dhinacyada danta ku leh ayna durin ama ay ka noqdaan.

Haddii uu durana waxaa u bannaan dhinacyada inay soo dhex galaan duridda ama ha ayideen ama ha iska celiyeene.

— 837 —

Qodobka 249aad

Muddada Cabashada lagu samayn karo

Cabashada waxaa lagu samayn karaa muddo 30 Beri ah ka billaabata Taariikhda Gaarsiinta cabashada. Ma bannaana duriddu haddii faafinta xukunka ay ka soo wareegtay hal sano.

Qodobka 250aad

Saxiixa Cabashada iyo waxa ay ka kooban tahay

Waxaa waajib ah in uu saxiixo cabashada qareen ama Wakiil ku qoran Diiwaanka; u cabashada Maxkamadda Sare waa inay ka kooban tahay::

- 1.) Tilmaanta Magacyada iyo Degmooyinka dhinacyada oo dhan.
- 2.) Lambarka iyo Taariikhda xukunka.
- 3.) Bandhigid kooban oo ku saabsan arrimaha Dacwadda.
- 4.) Asbaabta cabashada oo ay la socoto tilmaanta Qodobbada xeerka ay ku dhisan tahay cabashadu.
5. Tilmaanta wakaalashada haddii lagu sameeyey warqad gaar ah.

Dhawris la'aanta waxyaabaha kor lagu soo sheegay waxay keenaysaa aqbalid la'aanta cabashada.

Qodobka 251aad

Doorashada degitaanka

Dhinaca wax durayaa wuxuu degitaan u dooranayaa Xafiiska Qareenkiisa ama wakiilkiisa; gaarsiinta waxaa loogu hagaajinayaa degitaankaas. Haddii ay taasi suuroobi weydo waxay gaarsiintu ku dhammaaneysaa Xafiiska Kaaliyaha Maxkamadda.

Qodobka 252aad

Gaarsiinta Cabashada

Waxaa waajib ku ah dhinaca wax duraaya inuu gaarsiiyo cabashada dhinaca ama dhinacyada kale oo ay cabashadu lid ku tahay.

Qoobka 253aad

Dhigidda Cabashada

Waxaa waajib ah in la dhigo cabashada xafiiska Kaaliyaha Maxkamadda soo saartay xukunka la duraayo, haddii kalese duridda lama wadi karo. Waxaana waajib ah in lagu soo lifaaqo cabashada nuqul asal ah ee xukunka la duraayo iyo Wakaaladda Qareenka iyo rasiid caddeynaya in la bixiyey ajuurada waajibka ah ama cafiskeeda.

Qodobka 254aad

Diridda galka

Waxaa waajib ku ah Kaaliyaha Maxkamadda qabatay warqadda cabashada iyo Dokumentiyaalka ku tilmaaman Qodobka hore, inuu degdeg iskii ugu diro galka Kaaliyaha Maxkamadda Sare.

Qodobka 255aad

Ka Jawaabidda Cabashada

Waa u bannaan tahay dhinaca la duray inuu jawaabtiisa ku caliyo warqadda ay waajib tahay in la gaarsiyo dhinaca wax cabtay toban maalmood dhexdood markii la soo gaarsiyey cabashada hore.

Waxaa loogu dhaqmayaa ka jawaab celinta cabashada axkaanta Qodobka 250, waxaana waajib ah in la dhigo Xafiiska kaaliyaha toban maalmood dhexdood oo laga billaabo dhammaadka gaarsiinta. Uma bannaana dhinaca aan ka soo jawaabin cabashada waxaan ahayn ka qayb gelidda dooda afka ah ee Maxkamadda.

Qodobka 256aad

Joojinta fulinta Xukunnada

duridda loo qaatay Maxkamadda Sare ma joojinayso fulinta xukunnada. Haddiise ay jirto asbaab caqli gasha waa u bannaan tahay Maxkamadda Sare iyo Maxkamadda xukunka soo saartay inay joojiyaan haddii ay jiraan asbaab caqliga gasha fulinta xukunka ku meel gaar ahaan, kaddib markay dhageystaan dhinacyada, ayna amraan haddii loo baahdo in la dhiibo dammaanad,